



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Explanatio In Psalmos**

Complectens Psalmos à 101. ad 125.

**Bellarmino, Roberto Francesco Romolo <Heiliger>**

**Dusseldorpii, 1764**

**VD18 15558428-001**

Psalmus CXXIII.

[urn:nbn:de:hbz:466:1-53433](#)

bus, ac superbis. Quoniam multum &c., facti sumus opprobrium abundantibus &c.

## PSALMUS CXXIII.

**T**itus : Canticum graduum.

Argumentum est exultatio eorum, qui de gravissimis tribulationibus liberati fuerant, ut passi sunt israelita, vel dum essent in captivitate, vel dum templum, & civitatem iterum adificarent, vide Esdram l. 1. & 2. Quantum pertinet ad spirituales Israelitas, seu Christianos, ad caelestem Ierusalem ascendentes, Psalmus referendus est ad persecutiones Pagorum, aliorumque impiorum, a quibus liberati sunt SS. Martyres, & electi ceteri quotidie liberantur.

¶. 1. Nisi quia Dominus erat in nobis, dicat nunc Israel, nisi quia Dominus erat in nobis.

Sermo imperfectus, & per illud, dicat nunc Israel, interruptus, signum est insolitæ lætitiae. Dicit igitur multitudo Sanctorum de magnis temptationibus liberatorum. Nisi Dominus omnipotens nobiscum fuisset, nunquam evadere potuissimus.

¶. 2. Cum exurerent homines in nos, forte vi-  
vos deglutissent nos.

¶. 3. Cum irasceretur furor eorum in nos, for-  
sitam aqua absorbuisset nos.

N

Ecce

Ecce quid accidisset nobis, nisi Dominus potentissimā suā virtute juvisset nos. Cūm nostri persecutores exurgerent adversus nos, periculum fuit, ne tantā velocitate nos perderent, quantā solet mare, vel flumen deglutiire eos, qui in illud fortè præcipitantur. ¶

¶. 4. *Torrentem pertransivit anima nostra, forsitan pertransisset anima nostra aquam intolerabilem.*

Pergit in eādem similitudine, & ait in personā Sanctorum: persecutionem, quasi torrentem, *pertransivit anima nostra*: caro enim succubuit, & cessit persecutorum furori, sed anima gloriose pertransiit. Sed nisi Dominus fuisset in nobis, intrasset forsitan torrentem nimis profundum, unde evadere non potuisset. Licet SS. Martyres, & Confessores gloriose superarint persecutions, tentationes Paganorum, Hæreticorum, Dæmonum, quot tamen victi perierunt? *lege Cypr. serm. de lapsis.*

¶. 5. *Benedictus Deus, qui non dedit nos in capitionem dentibus eorum.*

¶. 6. *Anima nostra, sicut passer, erepta est de laqueo venantium: laqueus contritus est, & nos liberati sumus.*

Ad extollendam magnitudinem beneficij Divini addit aliam similitudinem. Deo gratia

tia agendæ, quod non permiserit nos ab adversariis capi, occidi, ac devorari: anima nostra incidit quidem in persecutionem, & temptationem, sicut passer, vel alia avis in laqueum aucupis: sed tamen liberata est ab illâ temptatione, & persecutione, antequam caperetur à tentatore, & occideretur: ut avis aliquando laqueo capitur, sed eripitur inde, antequam ab aucupe capiatur manibus, & occidatur, & manducetur. Id autem factum est, quia temptationi per gratiam Dei finis impositus est, antequam anima fidem negaret, vel alio modo in peccatum consentiret: ut quandoque laqueus frangitur, & avis comprehensa volat, ac spem aucupis inhiantis frustratur.

V. 7. *Adjutorium nostrum in nomine Domini, qui fecit cælum, & terram.*

Concludit cum laude Dei, humiliter agnoscens, victoriam tantam, & liberationem de tam periculosis temptationibus, non viribus suis tribuendam, sed adjutorio cœlesti Dei omnipotentis: cuius omnipotentiæ manifestum est argumentum, quod fecerit cælum, & terram.

### PSALMUS CXXIV.

Titus: *Canticum graduum.*

Argumentum: *dat bonum consilium peregrinis, ascendentibus in patriam, tum terrenam, tum cœlestem.*

N 2

cœlestem